

АЖДОДЛАР ЖАСОРАТИ ВА ХОТИРАСИГА ЮКСАК ЭҲТИРОМ



Мамлакатимизда Хотира ва қадрлаш куни ҳамда Иккинчи жаҳон урушида қозонилган Ғалабанинг 75 йиллиги кенг нишонланмоқда.

Ўзбекистон Республикаси Президенти Шавкат Мирзиёев ушбу шонли сана муносабати билан 9 май куни пойтахтимизда ўтказилган байрам тадбирларида иштирок этди.

Давлатимиз раҳбари Олмасор туманида барпо этилган Ғалаба боғига ташриф буюрди.

Ўзбекистон халқи Иккинчи жаҳон урушида ғалабани таъминлашга улкан ҳисса қўшган. Лекин бу жасоратни бор қўлами билан кўрсатиб берадиган яхлит

мажмуа йўқ эди. Ўтган йилги Президентимиз улкан боғ барпо этиб, халқимиз қаҳрамонлигини абадийлаштириш ташаббусини илгари сурган эди.

Шундан сўнг, илмий-ижодий жамоатчиликнинг тақлифлари, хорижий мамлакатлар тажрибаси асосида бадиий-меморий концепция ишлаб чиқилди.

Давлатимиз раҳбари бу борадаги лойиҳалар билан бир неча бор танишди.

▶ Давоми 2-бетда



Ўзбекистон Республикаси Президенти Матбуот хизмати суратлари.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ БУЮК ҒАЛАБАНИНГ 75 ЙИЛЛИГИ ҲАМДА ХОТИРА ВА ҚАДРЛАШ КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, қадрли ватандошлар!

Муҳтарам уруш ва меҳнат фахрийлари! Аввало, Ватанимизнинг ҳақиқий қаҳрамонлари бўлган сиз, азизларни, сизларнинг тимсолинингизда кўп миллатли бутун халқимизни Иккинчи жаҳон урушида эришилган буюк Ғалабанинг 75 йиллик шонли байрами ҳамда Хотира ва қадрлаш куни билан чин қалбимдан муборакбод этаман.

Хурматли дўстлар! Барчангиз хабардорсиз, сизлар билан бирга бундан роппа-роса бир йил муқаддам азим пойтахтимиз Тошкент шаҳрида муҳташам Ғалаба боғини барпо этишга қарор қилган эдик. Ушбу қароримиз замирида Ўзбекистон халқининг жаңг майдонларида ва фронт ортида кўрсатган бекиёс жасорати ва матонатини тарих саҳифаларига муҳрлаш, ёш авлодимизни Ватанга муҳаббат ва садоқат руҳида тарбиялаш мақсади мужассам экани сизларга яхши маълум.

Худого минг бор шукрки, эл-юртимиз дилидаги ана шу эзгу ният ижобат бўлиб, улуг айём кунларида уруш ва меҳнат фахрийлари билан Ғалаба боғида ва "ойнаи жаҳон" орқали дийдор кўришиб турибмиз.

Буюк Ғалабанинг 75 йиллиги шарафига бунёд этилган бу бетакор мажмуа қаҳрамон халқимизга муносиб бўлиб, ҳам мейморий жиҳатдан, ҳам тарихий-маънавий жиҳатдан гоёта ноёб ва маҳобатли обида бўлиб қад ростлади.

Мана шу улкан майдонда қисқа муддатда жуда катта ҳажмдаги қурилиш ва ободонлаштириш ишлари амалга оширилди. Ҳар жиҳатдан пухта ишланган лойиҳалар асосида Ғалаба боғи, "Шон-шараф" музейи, "Мангу жасорат", "Матонат мадҳияси" монументлари бунёд этилди. Халқимизнинг қонли жанглардаги мардлигини, фронт ортидаги машаққатли меҳнати ва фидойилигини акс эттиришга бағишланган кенг қўламли тарихий-бадиий экспозициялар яратилди.

Агар вақт имкон берганда эди, уларнинг ҳар бири ҳақида соатлаб гапирishi мумкин бўларди.

Уруш давридаги жангдорларни эслатадиган баланд тепалик устида афсонавий генерал Собир Раҳимов каби ҳарбий қўмондонларимиз, ўзбекистонлик барча ботир жангчиларнинг сўнмас хотирасига атаб "Мангу жасорат" деб номланган улугвор монумент барпо этилди.

Замонавий музей санъати ва ахборот-коммуникация технологияларининг энг илғор ютуқлари асосида "Шон-шараф" музейи бунёд қилинди. Бу ерда намойиш этилаётган минглаб тарихий экспонатлар буюк Ғалабага буюк ҳисса қўшган халқимизнинг мислсиз жасоратини тараннум этишга, ёш авлодимизни ватанпарварлик руҳида тарбиялашдек олижаноб мақсадга хизмат қилади.

Биз бугун уруш йилларида халқимиз кўрсатган бекиёс қаҳрамонлиқни улуглайдиган, ўзида она Ватан тимсолини мужассам этган "Матонат мадҳияси" монументи пойига гулчамбар қўйиб, фидойи юртдошларимиз хотирасига хурмат бажо келтирдик. Шунинг айтиш керакки, ушбу ёдгорлик мажмуасига қандайдир бадиий образ эмас, балки ҳаётимизда чиндан ҳам бўлган тарихий воқеа — мўътабар бир инсон ва унинг оиласи тўғрисидаги ҳақиқат асос қилиб олинган.

Мен ўтган йилги 9 май байрамида Тошкент вилояти, Зангиота туманидаги Хонобод қишлоғида яшаб ўтган Зулфия Зокированын ҳар қандай одамни ҳам ҳайратга соладиган инсоний жасорати ҳақида сўз юритган эдим.

Турмуш уртоғи Холмат ака вафот этган. Зулфия ая ёлғиз ўзи беш ўғил, бир қизни тарбиялаб воёга етказган. Иккинчи жаҳон урушида Исоқжон, Аҳмаджон, Маҳмаджон, Ваҳобжон, Юсуфжон деган бешта азамат ўғилдан жудо бўлган.

Узингиз ўйланг, азиз дўстлар, ҳар қандай инсонни ҳам яқсон қилиб ташлайдиган бундай оғир зарбага чидаш мумкинми? Лекин матонатли, метин иродали ўзбек онаси бу чексиз қулфатга бардош бера олди.

Уруш тўғрисида Зулфия Зокированын тўрт келини Бева, беш набираси етим бўлиб қолди. Онаизор умрининг охирига қадар сув келса — симириб, тош келса — кемириб, қаҳрамон ўғилларининг азиз хотираси билан, келинлари, набираларининг ҳаёти, юртнинг ташвиш ва қувончлари билан яшади.

Зулфия аянинг меҳр-оқибатли келинлари ҳам ундан ўрнак олиб, унга мадад бўлиб, барчаси ўз ёрига, оиласига содиқ қолди — бошқа турмуш қурмади.

Мана, бугунги давримизда Зулфия ая Зокированын қариндошлари — хурматли Раҳимжон Аҳмаджонов, Фарҳод Маҳмаджонов, Маърифат Аҳмаджонова, Саноат

Маҳмудова, Мавлуда Холматова иштирок этмоқдалар. Бошларига тушган оғир қийинчиликларни мардона энгиб, Зулфия ая ва оталарининг хотирасини пок сақлаб, эл-юртимизга сидқидилдан хизмат қилиб келаётган бу юртдошларимизга барчамизнинг номимиздан чуқур миннатдорчилик билдиришга ружаст бергайсиз.

Мен ўтган йилги байрамда ўзбек аёллари, ўзбек халқининг мана шундай буюк жасорати, сабру бардошига бағишлаб, "Матонат мадҳияси" деган монумент барпо этишни тақлиф қилган эдим. Кенг жамоатчилигимиз, халқимиз бу ташаббусни қизгин қўллаб-қувватлади.

Шу мавзуда ижодкорларимиз кўплаб мақолалар, шеър ва дostonлар яратмоқдалар.

Бу ҳақда гапирганда, мен "Ўзбекино" миллий агентлиги томонидан яратилган "Илҳақ" бадиий фильми тўғрисида алоҳида тўхталмоқчиман. Истеъдодли ёш режиссёр Жаҳонгир Аҳмедов суратга олган ушбу аjoyиб фильмининг мана шундай катта қизиқиш ва ҳаяжон билан томоша қилдим. Халқимиз ҳаётининг энг оғир, энг фожиали даврига бағишланган бу асар том маънода қаҳрамонлик қасдаси бўлиб, ҳар қандай одамнинг ҳам қалбини ларзага солади.

Даҳшатли уруш тўғрисида беш нафар баҳодир ўғилдан айрилган, умрининг охиригача фарзандларини илҳақ яъни интизор бўлиб кутган Зулфия Зокирова сиймосида ўзбек оналари, ўзбек аёлларига мансуб энг буюк фазилатлар ниҳоятда теран ифода толган. Биз бу бадиий гўзал асарни бугунги улуг байрам кунинда барча телеканалларимиз орқали кенг намойиш этишга қарор қилдик.

Фурсатдан фойдаланиб, мен бутун халқимизни, айниқса, ёшларимизни мана шу фильмининг оила даврасида кўришга, унинг қаҳрамонларидан ўрнак олишга даъват этаман.

Катта гуруҳ ва ифтихор билан таъкидлаб айтмоқчиман: Ғалаба боғининг марказида "Матонат мадҳияси" деб аталган муаззам обида барча Ўзбекистон оналарига қўйилган хайкал бўлиб, она Ватан рамзи бўлиб қад ростлади. Ҳеч шубҳасиз, ушбу ёдгорлик

бутун халқимиз, айниқса, ёшларимиз учун қўлтуғ зияратгоҳга, оила, севги-муҳаббат, вафо ва садоқат деган муқаддас тушунчалар тимсолига айланиб қолади.

Бу ерга қадам қўйган ҳар бир йигит-қиз миллатимизнинг қонини, суюлиги бўлган ноёб маънавий фазилатларни асраб-авайлаб, қадрлаб яшаш учун мана шундай улуг инсонлардан тарбия ва ибрат олади, деб ишонаман.

Айтиш керакки, қисқа вақт ичида, айниқса, карантин шароитида Ғалаба боғи деб ном олган бу улкан мажмуани барпо этиш осон бўлгани йўқ. Лекин барча қийинчиликларга қарамасдан, моҳир курувчи ва мейморларимиз, муҳандислар, турли соҳа мутахассислари, рассом ва хайкалтарошлар, азамат ёшларимиз бу вазифани ўзлари учун савобли бир иш деб билиб, туну кун фидокорона меҳнат қилдилар. Халқимизнинг бунёдкорлик салоҳияти билан ушбу бетакор мажмуа 9 май байрамига қуриб битказилди.

Фурсатдан фойдаланиб, бу гоёта эзгу ишга чин юракдан ҳисса қўшган барча-барча инсонларга ўз номидан, эл-юртимиз номидан чуқур миннатдорчилик билдираман.

Ғалаба боғи, Хотира, Қадр-қиммат боғи ҳаммамизга, бутун халқимизга муборак бўлсин!

Азиз фахрийлар!

Бугунги қўлтуғ айёмда барчамиз, аввало, ўз жонини она юрт учун қурбон қилган ватандошларимизнинг руҳи поклари олди деб эгиб таъзим қиламиз. Сизлар қаби минглаб уруш ва меҳнат фронти қатнашчиларини — азму шижоатли, довурак ота-бобларимиз, сабр-матонатли оналаримиз, молларимизнинг номларини хурмат билан тилга оламиз.

Афсуски, карантин тўғрисида сизларнинг барчангизни бу гўзал масканга, бугунги тантанали маросимга олиб келолмадик. Лекин мана шундай муқаддас ва шуқуқли кунда ҳаммамиз руҳан, қалбдан сизлар билан биргамиз.

Уруш ва меҳнат фахрийларининг аксарияти ҳозир вилоятларда, ҳарбий округларда, бошқалари эса ўз хонадонларида

оила аъзолари билан 9 май байрамини нишонламоқдалар. Улар "ойнаи жаҳон" орқали бугунги тантанали маросимни тўғридан-тўғри кузатиб бормоқдалар.

Сизларнинг ҳаммангизни — марказда ва жойлардаги байрам тадбирларида иштирок этаётган, шунингдек, ушбу тантанали маросимни уйларида "ойнаи жаҳон" орқали томоша қилаётган, менинг табрик сўзларимни эшитиб турган фидойи инсонларни улуг айём билан яна бир бор табриклаб, ўзимнинг юксак хурмат ва эҳтиромимни билдираман. Сиз, азизларнинг барчангизни қўйибона бағримга босиб, бугунги эркин ва озода ҳаётни таъминлаш йўлида кўрсатган мардлигиниз, Ватанга садоқатингиз учун ўз номидан, халқимиз номидан раҳматлар айтиб, энг эзгу ва самимий тилакларимни изҳор этаман.

Биз сизларнинг тимсолинингизда ўзининг доно маслаҳатлари, бои ҳаётий тажрибаси билан ҳаммамизга устоз ва дуоғўй бўлиб юрган мўътабар инсонларни кўраемиз. Сизларнинг ҳар бирингиз билан ҳақли равишда фахрланамиз. Ҳаёт йўлларини дуч келаётган турли қийинчилик ва муаммоларни, ҳозирги кунда бошимизга тушган синовларни энгиб ўтишда биз сизларнинг мислисиз сабот ва матонатингиздан, қатъиятингиздан доимо куч ва ибрат оламиз. Ёш авлодимизни Ватанга, халққа садоқатли, жасур инсонлар этиб тарбиялашда биз сизларни доимо ўрнак деб биламиз ва келгусида ҳам шундай бўлиб қолади.

Янги топилган маълумотларга кўра, Ўзбекистондан 1 миллион 951 мингта яқин киши урушга сафарбар этилгани аниқланди. Демак, ҳар уч нафар ўзбекистонликдан биттаси кўлига қурол олиб, фашизмга қарши жанг қилган.

Аёвсиз жангларда мардона қатнашган қарийб 451 минг нафар юртдошимизнинг номлари ва тақдирини шунча йиллар мобайнида эътибордан четда қолиб келганини, албатта, адолатдан, деб бўлмайдими.

Шунингдек, ўша даврда "қулук" сифатида бошқа ўлкаларга сургун қилинган 59 мингдан ортқ ватандошимиз ҳам ҳаракатдаги армияга сафарбар этилгани маълум бўлди.

Шу борада яна баъзи рақамларни келтирмоқчиман: илгари 396 минг нафар Ўзбекистон фуқароси урушда ҳалок бўлган, деб айтилди. Аслида бу рақам 538 мингдан зиёд бўлган.

▶ Давоми 2-бетда

Илм-фан

МАТЕМАТИКА МУРАККАБ МАСАЛАЛАР ЕЧИМИДА АСҚАТАДИ

2020 йил 6 май куни Ўзбекистон Президенти “Математика соҳасидаги таълим сифатини ошириш ва илмий тадқиқотларни ривожлантириш чора-тадбирлари тўғрисида”ги қарорни имзолади.

Абдулла АБЗАМОВ, академик

Мамлакатимизда нима учун математикага бу қадар эътибор берилмоқда? Бунинг ортида бир неча муҳим сабаблар ва узоқни кўзлаган мақсадлар ётибди. Биринчи навбатда, таъкидлаш лозимки, математика фани ва таълимнинг даражаси мамлакат тараққиётининг мезонларидан биридир, миллат интеллектуал салоҳиятининг ўзига хос кўзгусидир.



асосда математик тадқиқотларни амалиётда қўллашга эҳтиёж ҳам кучайиши табиий. Шунинг билан қарорда бу борадаги вазифалар аниқ ифода этилган.

Айни пайтда, таъкидлаш жоизки, математика таълимнинг аҳамияти фақат бу фаннинг бевосита татбиқларидан иборат эмас. Ҳар қандай жамиятнинг тараққиёти таълим муассасаларида тайёрланаётган кадрларнинг малакасига, таъбир жоиз бўлса, сифатига боғлиқ. Бунда математик таълим омили алоҳида ўрин тутати. Биринчидан, умумий ўрта таълим фанлари орасида фақат математикага ўқувчиларда мантиқий фикрлаш қобилиятини тарбиялади. Хусусан, энг содда бўлса ҳам теоремалар қатъий мантиқий мулоҳаза билан исботланади. Иккинчидан, математи-

Математика ўқувчи ва талабаларда тахлилий мулоҳаза қобилиятини ўткирлаштирилади — бунга кўплаб қадамда ечиладиган масалаларни машқ қилиш, мураккаб масалалар ечимини излаш қобилиятини шакллантириш билан эришилади.

ка ўз фикрини аниқ ва лўнда баён этишга ўргатади. Учинчидан, математик тушунчалар аввал-бошдан абстрактлик хусусиятига эга. Одатда бу лотинча сўз мавҳум деб таржима қилинади, аммо математик тушунчаларга нисбатан бу тўғри эмас — манфий сон, чексизликкача чўзилган тўғри чизиқ каби тушунчалар мавҳум (яъни хаёлдагина мавжуд нарсалар) эмас. Фанда абстрактни конкрет (тайин)нинг акси деб тушуниш мақсадга мувофиқ. Аслида қўлни бигиз қилиб курсатиб бўлмайдиган нарсани ифодаловчи (жамият, демократия, адолат, манфаат каби) ҳар қандай тушунча абстрактдир, аммо математик тушунчалар абстрактлиги метронинг зиналарига ўхшаб борган сайн чуқурлашиши билан ажралиб туради. Шунинг учун уларни ўзлаштириш ривожланган ақлий қобилиятни талаб этади. Шу билан бирга, математикани билиш “конкретдан абстрактга ва абстрактдан конкретга” принципига мувофиқ, онг тараққиётида муҳим роль ўйнайди.

Тўртинчидан, математика ўқувчи ва талабаларда тахлилий мулоҳаза қобилиятини ўткирлаштирилади — бунга кўплаб қадамда ечиладиган масалаларни машқ қилиш, мураккаб масалалар ечимини излаш қобилиятини шакллантириш билан эришилади. Математика, шунингдек, тафаккурнинг бошқа турлари — синтетик, эвристик ва ассоциатив фикрлаш қобилиятини чархлашда ҳам алоҳида ўринга ва имкониятларга эга. Бугун ҳаётимизга жадал суръатлар билан кириб келган, йиллар ўтиши билан аҳамияти кучайиб борадиган ахборот-коммуникация

Янгича ёндашув

Электрон шоурум экспортга кенг йўл очади




Муножат МҶМИНОВА, “Янги Ўзбекистон” мухбири

Ўтган йили Ўзбек гилоси Россия, Хитой, ҳатто Буюк Британияда ҳам яхши баҳолагани боғбонларимиз кучига-куч қўшди. Бинобарин, мамлакатимизда гилос етиштириш борисидидаги тажриба ва экспорт салоҳияти йилдан-йилга ортиб бораётти. Бугунги кунда Ўзбекистон гилос экспорти бўйича дунёда бешинчи ўринни эгаллаб тургани ҳам шундан далолат беради.

Рақамларга мурожаат қиладиган бўлсак, 2012 йилда 5000 тонна гилос экспорт қилинган бўлса, 2018 йилга келиб, бу кўрсаткич 34000 тоннага етди. Яқин йилларда эса 100 минг тоннага етказиш борасида мутасаддилар томонидан амалий ишлар олиб борилмоқда.

— Жорий йил ҳам табиат инжиқликларига қарамай, ҳудудларимизда гилоснинг ҳосили яхши, — дейди Ўзбекистон экспортчилар уюшмаси раҳбари Мухтор Умаров. — Айни кунларда эртагишар гилослар Фарғонанинг Олтиариқ, Яйпан туманларида, Наманганнинг Турақўрғони, Тошкент вилояти ва Самарқандда экспорт учун терила бошланди. Гилос нархи бўйича ижтимоий тармоқларда берилаётган маълумотларга аниқлик киритиш мақсадида шунинг айтиши мумкинки, айни пайтда маҳсулот жойида 1,5-2 доллар, Россияда эса 2,5-3 долларга баҳоланапти. Эртагишар гилос кечикисига нисбатан 30-40 фоиз арзон баҳоланади. Карантин даврида ҳам транспорт воситалари учун вилоятлараро эркин ҳаракатланиб, маҳсулотни ўз вақтида сотишга шариқат яратилганидан боғбонларимиз хурсанд. Гилосларимиз шу кунларда Россиядан ташқари Хитой, Европа мамлакатлари, Бирлашган Араб Амириклари ҳам етиб бори. Бу йил ҳосил кўпчилигини ҳисобга олиб, инвестициялар ва ташқи савдо ҳамда Транспорт вазирликлари билан биргаликда маҳсулотни ҳаво йўллари орқали етказиб беришни ташкил этиш режалаштирилди. Биз эса имкон қадар экспортни юқори нарҳда амалга ошириш устида Давлат ўсимликлар карантини ва элчионалар билан ҳамкорликда ишлаяпмиз. Бундан ташқари, маҳсулот етиштирувчиларга ҳуқуқий ёрдам, молиявий маслаҳатлар, идоралар билан бўладиган муносабатларда ҳам яқиндан кўмак бераймиз.

Экспортчилар уюшмаси боғбонларга мева сифатининг юқорилигини таъминлаш борасида ҳам зарур тавсияларни бериб келимоқда. Юртимиздаги мавжуд олти мингга яқин экспортчи корхонанинг пандемик вазиятда ўз маҳсулотларини хоризжда намоиш қилиш имконияти йўқлигини инобатга олиб, уюшма томонидан www.uzbekmart.com шоуруми ишга туширилди. “Made in Uzbekistan” брендини оммалаштириш ва экспорт салоҳиятини оширишни мақсад қилган ушбу платформа ёрдамида экспортчиларимиз Американи, Европани, Осиё ва Араб давлатлари, МДҲ ва бошқа бозорларга бемалол чиқишлари мумкин. Бунинг учун электрон шоурумга кириб, маҳсулот бўйича маълумот жойлашнинг ўзи кифоя. Харидорларнинг ўзи экспортчиларимизни топади. Бу, ўз навбатида, ривожланган давлатлар иқтисодиёти ҳам инқирозга учраб турган айни пайтда мамлакатимизда экспорт барқарорлигини таъминлашга муносиб ҳисса қўшади.



Жаҳон тарихига назар ташланса, қайси маконда бўлмасин, у ёки бу тамаддунинг юксак ривожланиш давлари худди шу макон ва замонда математика ривожланиши билан барабар кечгани кузатилади. Буни дастлабки назарий математик билимлар жамғарила бошлаган қадимги Бобилдан тортиб, XIX аср охиридан Японияда бошланган илмий-техник сакраш мисолида яққол кўриш мумкин. XVIII асрдан Европада иқтисодиёт ва техника тараққиёт биносининг узлуксиз қад кўтаришида ҳам XVII асрдан жадал ривожлана бошлаган математика мустаҳкам пойдевор вазифасини утаган.

Юртимиз тарихида ҳам мазкур қонуният ўзини яққол намойён этади.

Математика ўз хусусиятига кўра, мустақил ривожлана оладиган фандир, шу билан бирга, физика ва техника фанлари математикасиз ривожлана олмайди. XX асрга келиб, кимё, генетика ва, айниқса, иқтисодиётда математикалашув жараёни кучайди. Уйғониш даврининг атоқли намоёнчаси Леонардо да Винчи “Табиат қонунлари математика тилида ёзилган”, деган зидки, бугун энди барча табиий фанларда математик усуллар билимнинг асосий воситаларидан бирига айланган. Техника ва технологиялар эса пухта математик билимлар билангина тараққий этиши мумкин. Олий таълимни ташкил этишда математик билимлар билан қуролланган муҳандис ва математикдан саводи оқсайдиган ҳамкасби ўртасида фарқ катталигини ҳақиқат назарда тутиш лозим.

Ҳолбуки, сўнгги 20 йил давомида муҳандислик ихтисосларининг ўқув режасида математика фанининг салмоғи кескин қисқартириб юборилган эди. Қарорда бу борада йўл қўйилган камчиликларни бартараф этишга алоҳида эътибор қаратилган.

XX асрнинг иккинчи ярмидан бошлаб математика усуллари дерайли барча соҳаларга, ҳатто тилшунослик ва психологияга кириб борган, математик ва структурал лингвистика, психометрия каби йўналишлар пайдо бўлди. Айниқса, ахборот ва компьютер технологиялари математик билимларга асосланиб ривожланади. Математик методлар билан компьютер имкониятлари қўшилиши эса табиат ва жамият ҳодисаларини ўрганишда самарали тадқиқот қуролига айланмоқда.

Ишлаб чиқариш йириклашгани, мураккаблашгани сайн харажатларни ва атроф-муҳитга зарарини камайтириш, бошқарувни оптималлаштириш каби масалаларнинг роли ортиб боради. Уларни ҳал этишда, бир томондан, тегишли соҳа мутахассисларининг математикадан тайёргарлиги муҳим бўлса, иккинчи томондан, табиий ва амалий математикани ишлаб чиқариш билан яқинлаштириш зарурати кучаяди. Мамлакатимиз ялли ички маҳсулотни кўрсаткичини яқин йиллар ичида икки бараварга ошириш мақсади кун тартибига қўйилган экан, бу эзгу ва улугвор вазифани бажариш жараёнида йирик ҳамда мураккаб ишлаб чиқариш соҳаларининг салмоғи ортиши ва шу

Ўзбекистон Республикаси Президентининг “МАТЕМАТИКА СОҲАСИДАГИ ТАЪЛИМ СИФАТИНИ ОШИРИШ ВА ИЛМИЙ-ТАДҚИҚОТЛАРНИ РИВОЖЛАНТИРИШ ЧОРА-ТАДБИРЛАРИ ТЎҒРИСИДА”ГИ қарори қабул қилинди.

ҲАР БИР ТУМАН (ШАҲАР)ДА МАТЕМАТИКАГА ИХТИСОСЛАШТИРИЛГАН МАКТАБЛАР ТАШКИЛ ЭТИЛАДИ

Қарорга кўра, ҲАР БИР ТУМАНДА (шаҳарда) МАТЕМАТИКА ФАНИНИ чуқурлаштириб ўқитишга ихтисослаштирилган мактаблар (ИХТИСОСЛАШТИРИЛГАН МАКТАБЛАР) босқичма-босқич ТАШКИЛ ЭТИЛАДИ.

МАТЕМАТИКА ФАНИ чуқурлаштирилиб ўҚИТИЛАДИГАН СИНФЛАР босқичма-босқич, мавжуд эҳтиёж ва ўқувчиларнинг қобилиятидан келиб чиқиб ТАШКИЛ ЭТИЛАДИ.

Ихтисослаштирилган мактабларда ўқувчилар белгиланган тартибда ТАНЛОВ АСОСИДА САРАЛАБ ОЛИНАДИ.

ҚАРОРГА МУВОФИҚ

МАТЕМАТИКА СОҲАСИДАГИ ТАЪЛИМ СИФАТИНИ ОШИРИШ, илмий-тадқиқотларни ривожлантириш ва илмий ишланмаларни АМАЛИЁТГА ЖОРИЙ ҚИЛИШНИНГ УСТУВОР ЙўНАЛИШЛАРИ БЕЛГИЛАНДИ.

Мактабгача ёшдаги болаларда илк МАТЕМАТИК ТАСАВВУРЛАРНИ ШАКЛЛАНТИРИШ бўйича замонавий педагогик технологияларни жорий қилиш, ҳудудларда математика фанига ихтисослаштирилган мактаблар фаолиятини ривожлантириш ҳамда ЯНГИ МАКТАБЛАРНИ ТАШКИЛ ЭТИШ УСТУВОР ЙўНАЛИШЛАРДАН БИРИДИР.



Ихтисослаштирилган мактабларда мактаб директори тегишли ТУМАН (ШАҲАР) ҲОКИМИНИНГ ИҚТИСОДИЙ ВА БОШҚАРУВ ЖАРАЁНЛАРИГА МАТЕМАТИК усуллар ва моделларни жорий қилиш масалалари бўйича МАСЛАҲАТЧИСИ ҲИСОБЛАНАДИ.



Математика фани чуқурлаштирилиб ўқитиладиган синф битирувчилари тегишли ОТМЛАРНИНГ МАТЕМАТИКА ТАЪЛИМ ЙўНАЛИШЛАРИГА улар учун белгиланган МАҚСАДЛИ ПАРАМЕТРЛАР бўйича ўқишга ҚАБУЛ ҚИЛИНАДИ.

